

四庫全書

集部

欽定四庫全書

集部

聖祖仁皇帝御製文第三集卷

四十至
四十二

臣永瑤恭校

侍讀臣孫球覆勘

覆校官中書臣龔禔身

校對官主簿臣郭祚熾

謄錄監生臣楊其梓

謄錄監生臣范承祖

欽定四庫全書

聖祖仁皇帝御製文第三集卷四十目錄

雜著

古文評論 計八十三條

--	--	--	--	--	--	--	--

欽定四庫全書

聖祖仁皇帝御製文第三集卷四十

雜著

古文評論

劉敞

前秀州崇德縣尉左惟溫可漣水軍錄事叅軍

不遺一善

太常少卿張鑄可光祿卿致仕

敦尚風節

無為軍錄事叅軍馬易簡可太子中舍致仕

意在興廉讓之誼

龍圖閣直學士兵部郎中涇原路經略使王素可

諫議大夫

茂獎武勲中却寓有平安輯之意措語特妙

前邠州觀察推官李育可著作佐郎前趙州軍事

推官許林宗可大理寺丞

簡貴不靡

西京左藏庫使忠州刺史高陽關路駐泊兵馬鈐

轄時明可文思使

語有鋒稜

宰相富弼奏試國子四門助教王淵宰相韓琦奏

鄉貢進士李常竝可試將作監主簿

辭旨溫厚

定武軍節度推官衛觀可大理寺丞常州團練推

官沈披可衛尉寺丞

勸勵具備

翰林學士給事中知制誥歐陽修可禮部侍郎端
明殿學士吏部侍郎宋祁可尚書左丞禮部郎
中知制誥范鎮可吏部郎中刑部郎中知制誥
王疇可右司郎中三司度支判官太常博士集
賢校理宋敏求可祠部員外郎竝依舊職任
著作一時勸懲千載褒辭亦無溢美

禮部侍郎叅知政事曾公亮可加正奉大夫進封
開國公食邑五百戶賜推忠佐理功臣

意特崇重言極和摯

將作監林洙可司農卿

氣體古茂

權邠州軍事判官楊永可右贊善大夫致仕前岳

州平江縣張正已可大理寺丞致仕

義厚詞溫

都官員外郎邢夢臣可侍御史殿中丞沈起可監
察御史裏行

簡切無枝辭

比旧員外郎胡揆除都官員外郎

得綏邊之道

度支郎中李碩可三司戶部判官

語簡而盡藹然愛民之意

陝西路都轉運使兵部郎中天章閣待制傅求可

右諫議大夫河北都轉運使工部郎中天章閣
待制周沆可兵部郎中依舊

但作褒辭勉勵意在言外

司門員外郎張鞏可開封府推官

急吏緩民亦一張一弛之意而造語特為新創

論邪正

語本質實意復忠謹

為兄後議

引據博辨析詳以此稽求典禮不為無助

奔喪議

教孝勸忠粹然正議

士相見義

一以聖人之道相為折衷豈徒以古雅見長

公食大夫義

典實之文知其深於經學

致仕義

學識淵博發為閎辭固宜佳暢乃爾

君臨臣喪辨

經義湛深而出以鴻肆豈非文人之雄

與吳九論武學書

通達治務之言

劉攽

七門廟記

信治績不見於史得此可補載筆之闕

與王介甫書

析辨處精穎不可當令安石何處置辭

呂誨

論選部

綜名實以立言足資經濟

奏乞致仕表

殆以醫進說者

宇文之邵

應詔上疏

劉正亦明決

沈括

上歐陽

括精於樂律此但先陳其槩而筆墨疎秀朗豁

孫覺

諫行青苗法疏

辭理簡括

鄭俠

論新法進流民圖

事既流傳文亦佳勝

蘇軾

賜尚書刑部侍郎范百禄乞外任不允詔

稽經語發義疎秀入妙

賜阿里骨詔

恩義兼至得詔諭之體

太常少卿趙瞻可戶部侍郎

屏功利而用老成王言甚大

楊繪可知徐州

簡淨樸直立意自厚

揚王子孝騫等二人荆王子孝治等七人竝諸州

團練使

言極斐亶恩誼深篤

李承之知青州

意寬裕而言典切

韓維父億贈冀國公

辭製入古最饒風韻

賜韓絳上第二表乞致仕不允詔

藹如春溫

賜新除落致仕依前光祿大夫范鎮赴闕詔

淵重之體式如金玉

賜太師文彥博乞致仕不許批答

敦厚語可以覘盛時氣象

賜文武百寮太師文彥博以下上第一表請舉樂
不允批答

情文悱惻動人

又

天懷發中自成至文

賜宰相呂公著乞罷相位除一外任不許批答

溫文爾雅

又

莊重典嚴而能曲折以盡事理惟陸贄有之

賜太師文彥博乞致仕不許詔

約舉而意已周

賜資政殿學士大中大夫新知成都府王安禮乞

知陳頴等一郡不允詔

雅音健筆

賜宰相呂公著上第一表乞致仕不許批答

體裁修整而引喻更有風致

賜宰相呂公著上第二表乞致仕不允斷來章批

答

詞頗簡重益復婉至

太皇太后賜門下手詔

撝謙之語彌覺其真

上神宗皇帝書

一書萬言意甚貫串而不失之複詞甚矯厲而不過於

激不獨經濟之裕抑亦文章之雄

擬進士對御試策一道

指陳時事逐節條對透徹了當不冗不支

代張方平諫用兵書

識解既超則措語自然警動行文自然高卓至其疎宕俊邁之氣磅礴筆端真奇才也

策略一

理精辭決絕無悠泛之言

策略三

勢若馳驚可以逸塵絕迹

策略四

難其英偉之氣而又兼雋快之筆

策略五

雄辭博辨而有超逸之風縈紆飄發此是東坡獨絕

策別七

任法任人之論義正而語盡

策別八

言博而指約

策別九

疏暢之文亦復警透

策別十一

文意屹然山立其涉筆不羈有變化錯綜之妙

策別十二

局勢開闔而嚴緊最為挺特

策別十三

以勸親睦為厚風俗之本以立小宗為勸親睦之本文
特絲絲入扣

策別十七

用意最精細構辭矯厲不羣

策別十八

節用廉取二意互相紬繹而逐段發論極其整策

策別十九

疏兵制得失灼然明確而大義歸重訓練士兵亦自有見非徒託之空言者

策別二十二

鑿空立論精悍動人

論治道

辨論颺起而一軌於正縱橫變動中極有斷制

正統論

詞省而該意堅而暢與歐陽論可以叅觀

孔子從先進論

暢朗之文不詭於道

秦始皇帝論

禮之為國久矣一經拈出便成佳論

荀卿論

謂人性惡誠荀卿學術之偏此又推極言之理據精詳
非苛論也

韓非論

道德刑名之利害所見朗徹而辭筆亦沉鷲絕倫

伊尹論

推極根柢妙有發揮

留侯論

以忍字作骨而出以快筆豈子瞻胸中先有此一段議論乃因留侯而發之耶

張釋之論

達於論治若就日而辨物

六一居士集敘

從韓愈說到歐陽語有確據文亦矜重不凡

潮州韓文公廟碑

氣概雄深光芒萬丈文之有關於世教者固振古如新也

志林錄三首

非屬深文確有至理中間併入史遷處尤見卓識
雄辨而正簡帙之中具有光燄

立論洞中秦事識解最高

聖祖仁皇帝御製文第三集卷四十

欽定四庫全書

聖祖仁皇帝御製文第三集卷四十一目錄

雜著

古文評論

計七十七條

欽定四庫全書

聖祖仁皇帝御製文第三集卷四十一

雜著

古文評論

蘇轍

侍御史林旦權淮南運副

救荒思得良使者語約而要

郭遠自致仕起知潞州

雅馴逼古

范鎮侍讀太一宮使

婉摯入情藹如之言

劉摯尚書右丞

義指婉縟名言可佩

自齊州回論時事

立言有緒多槩摯纏綿之致

陳州為張安道論時事書

惘惘之語抒寫能盡

再論分別邪正劄子

君子進而小人退此治道所以休隆世運所以清泰也
子由此劄最得其旨足以闢調停之謬矣

元祐會計錄序

本是專言會計却語語欲其安養休息用意深遠而文
勢紆徐

君術二

以逸宕之文發深至之思自覺滌洄入勝

君術四

意主推誠待下立言最為無弊

臣事策一

熟悉古來情偽始能如此敷暢

臣事策四

宋之兵制視唐為弱此能深中時弊而文氣寬舒中却有精警之色

臣事策九

子由此文欲使仕宦者忘其遙遠而又習知其土風民俗則易以致治亦可云通識矣

臣事策十

通達周官之法故不失之固泥

民政策一

文境愈淡文格愈高末一段深得興起教化之本孔子曰觀於鄉而知王道之易易者正此謂也

民政策二

大意欲復古孝弟之科而文之虛實相涵波濤曲折特臻勝境

民政策三

其言甚醇可以厚風俗敦教化

民政策四

欲訓練土兵與大蘇之論脗合而思緒機軸各極其妙

民政策六

禁游民重本業意止兩言而脫却迴環處烟波無際

民政策八

此足國裕民之計為效雖遲而其利甚大非留心經濟者不能

商論

識議純正文字緊嚴

周論

以文質為自然之勢乃通儒之言文亦光采煥發

六國論

洞徹當時天下形勢故立論行文爽健乃爾

秦論一

揆度嬴秦國勢終始豎議高卓迥出意表

秦論二

前論雄駿此論平正前論猶近於權謀此則庶幾王道矣

五霸論

成見在中故語不貴多而能扼其要

晉論

推勘入細談虛者不得矜其高尚

隋論

秦取天下甚難隋取天下甚易其勢不同此却舉其得失之故以為先後如出一轍洵淵識也

書論

論意暗指新法而借書以發攄之文氣寬紆令人三復

不厭

漢昭帝論

近裏之言亦切漢事

曾鞏

勸學詔

風勵庠序詞令醇茂爾雅

勸農詔

其諄勉處與漢詔相上下

正長各舉屬官詔

此詔叅酌古今之宜然必長貳官身自廉正而後簡舉
不謬表率之地亦良重矣

賜高麗詔

溫潤特至

賈昌衡知鄧州制

以召父杜母為之勸用意良厚

王制

策典之文此為正則

又

典雅可以方軌西漢

相制

整練中多名貴之語

又

視唐時諸制誥殆有過之無不及也

尚書左右丞制

淵懿溫栗之音

吏部尚書制

非不簡嚴却自然瀏利可誦

戶部尚書制

詳於職掌可備典故

祕書監制

此選旣清詔詞亦甚雅則

將軍制

公賞罰篤恩信兩言甚要為將之道略盡此矣

熙寧轉對疏

南豐之文邃於經籍而運以古健之筆其闡發義理處
彌見朗澈此疏所陳洵為完粹之言也

自福州召判太常寺上殿劄子

詳言以暢典學之旨此等議論大醇無小疵也

移滄州過闕上殿劄子

極鋪張揚厲之文而歸於戒懼祇慎可云有典有則

救災議

計較利害得失處經畫最周變通不滯可補周禮所未及

寄歐陽舍人書

矜貴莊嚴而氣自紆迴不迫讀此等文當細觀其轉折脫卸之法

福州上執政書

出入風雅之中自有溫柔敦厚之氣知其本乎性情者

深也

新序目錄序

慎取二字真讀書要訣此論文所獨闢

列女傳目錄序

閨門之內王化之原暢達其詞足以茂明風教矣

南齊書目錄序

臚陳得失當與劉知幾史通竝傳

梁書目錄序

說理極為精湛其言大而有本

禮閣新儀目錄序

論聖人因時制禮處原本經術此見南豐為學本領

范貫之奏議集序

歸重仁宗得體得法識高力厚典貴之文

先大夫集後序

層折以舒其情使人忠孝之思油然而生

送丁琰序

南豐之文每一發議必根柢於大中至正之道如此言人才盛衰由於學校勸懲之法可云探見本原也

筠州學記

開局甚寬收束甚緊題之前後意無不到

宜黃縣學記

直從學立言所以深避筠州一記之雷同而昌明博碩無非經籍之腴潤諸學記中罕見其匹

越州趙公救災記

斟酌古法敘次詳密可裨救災之術

撫州顏魯公祠堂記

激昂頓挫善於作勢之文末拈一仁字收煞處亦甚有力

徐孺子祠堂記

出處士人之大節也必一衷於聖人之道則干祿不為汙而潔身不為忍矣議論平實規摹亦老

書魏鄭公傳

筆筆沉著辨駁甚精三復其言可以興起千載

邪正辨

直作兩扇文字而紆徐曲折有無限波瀾子固集中之別格

說用

詮理之文而措辭倍覺精爽特類子書

讀賈誼傳

借意賈生自攄所學雄渾可以吞吐一切

上田正言書

切偲之雅忠蓋之規

上歐蔡書

一氣淵涵極文章之勝觀而懇懇處尤可見用意之深

曾肇

論選忠良博古之士置諸左右

文頗質實而嫻於事理

漢文帝論

論斷典確不可移易而結處尤有斟酌

重修御史臺記

詳整中有嚴重之氣動人聽觀

韓維

求直言詔

桑林之禱此其餘風

國子博士种諤可左藏庫副使殿中丞种諤可洛

苑副使

簡淨明當

淮南江浙荆湖南北路都大發運使右諫議大夫
馬仲甫可依前右諫議大夫充天章閣待制高
陽開路都總管兼安撫使兼知瀛州軍州事管
內勸農使

字字修潔

西京左藏庫副使帶御器械李元方可莊宅副使

語自蒼勁

乞詢問講讀臣寮狀

敷陳明練指趣瞭然

聖祖仁皇帝御製文第三集卷四十一

欽定四庫全書

聖祖仁皇帝御製文第三集卷四十二目錄

雜著

古文評論

計六十六條

欽定四庫全書

聖祖仁皇帝御製文第三集卷四十二

雜著

古文評論

劉摯

請修勅令

刑罰非聖人之得已若科條繁密則有深文周内之弊
此文劉篤詳明能述欽恤之意

蘇頌

論省曹寺監法令繁密

帝王之道易則易知簡則易從此中正之言非補救之論也

呂公著

請令文武致仕官依外任官給俸錢

緣情立說迺優恤耆老之誼

呂大防

論祖宗之法

宋之家法遠軼漢唐於此可見其概

呂大鈞

選小臣宿衛議

交互發意滔滔如泉源之湧溢

范純仁

論發運均輸狀

論事之文難於中窺此殆得之

奏陳青苗等法疏

力詆新法反有激成之患似此婉切深摯能不使人動心易聽

李清臣

策旨

語能綜要故各綴數言而大意已自包舉

勢原

以勢字為主而錯綜參互以暢之文氣酣適讀此使人

怡神

議官

綜練世務之言可令官方整肅

明責

立言深中窺會亦甚精警

固本

以教導宗室為國之本計識慮自爾深遠

秦論

洞矚成敗非由臆斷

隋論

光武亦尚吏治然猶能以王道行之隋文則專尚吏耳
議論深細是前人未見到處

范祖禹

論封樁劄子

兩事竝陳意實相貫計慮周詳老成碩畫

封還臣寮論浙西賑濟事狀

逐段敷陳因憂民之切益以見謀國之忠

封還差道士陳景元校道書事狀

意本中正詞亦明剴

邇英留對劄子

宋世賢主必推仁宗此劄稱引最合

第二劄子

以至公至正本於至靜語有根據學問治功皆不越乎此

江公望

論邏察

熙皞之時豈尚刻覈文深得此義

晁補之

答外舅兵部杜侍郎書

君子之道持已宜嚴而論人宜恕此庶幾得其意矣

陳師道

上林秀州書

以禮自重巍然有品

張耒

論法上

法立弊生論甚警言透

論法下

質文損益之故聖人誠有所不得已焉文筆高奇意亦超然自遠

敦俗論

見地既優而勢更馳騁不可羈紲

憫刑論上

人法兼舉立言最為無弊非僅以高談取勝

雙槐堂記

善為波濤而理特確正

秦觀

集策序

此彷彿叙傳體而措詞甚有古奧之致

法律下

正色而言仁人之用心也

王令

師說

以廣學樹師為治道昌隆之本與昌黎師說各自一意

正命

其佳處全在明白淺易可以警迷釋惑

鄒浩

富紹庭除祠部郎官制

典嚴不佻

謝文瓘除給事中制

稜稜露爽可以激厲在官

王資深等竝除監察御史制

申勉得體斯為綸言

上哲宗皇帝書

利害對舉文情條達能悉事宜

李之儀

代范忠宣公遺表

原本篤雝之誼而文能行以整練斯為佳製

晁說之

元符三年應詔封事

十事中治道之本原時政之得失靡不該舉而博辨雄詞奔會絡繹才士之文直臣之義也

恥新

好新騁異文士通病其不可與入道者往往坐此此為
下一鍼砭

傳易堂記

敘次易學源流殆無遺義可以羽翼經傳

李昭玘

進保伍之策疏

確識宏裁與周官遺制相為表裏

李綱

答詔問攻戰守備措置綏懷之方

當日時勢已自難挽特文字疏暢可觀

湖海集序

和平溫厚風人之餘韻也

汪藻

為隆祐太后草詔

典飭中特有新藻

程俱

與李樞密論事書

用意深長不為一切權宜之說

羅從彥

韋齋記

讀此記知考亭之學得於父師者其源流至深遠矣

鄭樵

通志總序

網千載而成文綜百家以立說閱覽博物此其一助也

李燾

湖北漕司乖崖堂記

乖崖有宋偉人此記可稱實錄

王十朋

上殿劄子

發論以氣字為主文亦具英風毅節

楊萬里

論神威疏

辭源茂達而論据甚精

論選法在吏不在官

振大綱略苛細此銓政名言也

周必大

賜奉國軍節度使同知大宗正事士銖上表再辭

免加食邑食實封不允仍斷來章批答

峭潔無凡響

賜威武軍節度使主管侍衛馬軍司公事李顯忠

辭免加食邑食實封不允仍斷來章批答

數語自爾古雅

賜尚書右僕射虞允文上表再辭免轉左光祿大夫特封成國公加食邑食實封恩不允批答

胚胎於訓誥

賜叅知政事龔茂良上表再辭免進太上日歷特轉兩官依例加恩恩命不允仍斷來章批答

善於比擬

賜顯謨閣直學士左朝議大夫知潭州沈介乞守
本官職致仕不允詔

德音藹然

賜觀文殿大學士左光祿大夫知福州陳俊卿乞
改除一在外宮觀遣差不允詔

眷容之言特饒情致

科舉詔

亦得側席旁求之意

幸學詔

盛典鴻章良足相稱

賜利州觀察使韓彥直辭免除鄂州駐劄御前諸
軍都統制恩命不允詔

古藻奕然

賜觀文殿大學士左正議大夫知紹興軍府事蔣
芾乞檢會前奏除一宮祠不允詔

高雅不屑雕潤

賜虞允文辭免特進左丞相兼樞密使進封華國
公加食邑食實封恩命不允詔

詞義淹贍

賜草土劉珙允詔

溫雅多風

賜觀文殿學士大中大夫知建康軍府克江南東
路安撫使兼行宮留守劉珙乞差在外宮觀不
允詔

德意宣達

賜少保觀文殿大學士克醴泉觀使侍讀永國公

史浩乞休官不允詔

爽勁不事華靡

賜奉國軍節度使殿前都指揮使王友直乞除一


宮觀遣差不允詔

溫語竝有鋒穎

賜朝散郎權尚書禮部侍郎兼侍講齊慶冑辭免

除禮部侍郎恩命不允詔

朗潤兼擅



聖祖仁皇帝御製文第三集卷四十二

欽定四庫全書

集部

聖祖仁皇帝御製文第三集卷四十三至七

臣永瑤恭校

侍讀臣孫球覆勘

覆校官中書臣龔從身

校對官主簿臣郭祚熾

膳錄監生臣范承祖

欽定四庫全書

聖祖仁皇帝御製文第三集卷四十三目錄

雜著

古文評論

計九十三條

欽定四庫全書

聖祖仁皇帝御製文第三集卷四十三

雜著

古文評論

胡宏

祭祀郊社

論禮以義起黜向來穿鑿附會之說而獨歸於彝典

鼎象百物

能發新議得於獨見

劉子翬

曾子論

以敬字立論是聖賢徹始徹終之學

朱松

上李丞相書

正言無隱深中南宋時弊

送程復亨序

有切偲而無繾綣贈言如此古義可風

羅願

淳安縣社壇記

考論精鑿並見稽古之益

程大昌

象刑說

蔡傳謂象刑如天之垂象示人疏解甚精得此論發揮
更無遺義矣

范浚

悔說

悔乃進德之機立說最為沈快

彭龜年

戒聖性傷急疏

言不冗而理甚透可以匹埒匡衡

劉光祖

論朋黨疏

文有以質直為貴者此類是也

陳傳良

進周禮說序

周禮自是周公之書此最言之精確末幅說熙寧新法之害用意尤細

文王論

合書易以論聖人識解深邃文筆有類諸子

陸游

與尉論捕盜書

捕盜以民為耳目是亦機宜

朱子

壬午應詔封事

論治則精要而不浮論事則明暢而不冗大儒之言自
爾迥別

辛丑延和奏劄二

本天人理欲以立言自是培養根本議論

戊申封事

讀前後二段知儒者學術之正讀中一段知儒者經濟之優此等封章卓然千古

甲寅行宮便殿奏劄二

窮理居敬是朱子一生學問本源以此為先資足徵靖獻之忠矣

賀陳丞相書

蘊忠藎之意發為直諫之言固應勉勵備至

答韓尚書書

此書可以勵士節砥廉隅不徒文字之工

答鄭自明書

講明學術扶進人才兩意無不該暢

與臺端書

激切痛快之言一根於忠愛洵可垂世而不刊

上宰相書

非任事之誠孰肯進此懇言所謂實心實政者具見於

此

此段語意痛切非見之最真不能言及此是即古人臨深履薄之心朽索六馬之喻朕生平念茲在茲者亦即此也

答梁丞相書

舉綱挈要義蘊弘長

與留丞相書

立意透快自是明通之識

與留丞相書

篇中言君子小人消長之機極為明切

答汪尚書書

紫陽為學本領略具於此書朱陸異同得失亦於此可見

答呂伯恭書

極精細又極渾融非朱子不能見到此

答陸子壽書

此文考據既精而用意尤慎即議禮一事可悟進學之道

與王龜齡書

極寫嚮往之誠末兼勉勵意兩賢相慕豈同世情酬酢與劉共父書

若無意為文而文之敏妙迥非脩辭家所能企及由其理勝故耳

答陳體仁書

約舉理要可與言詩可與正樂

與龔實之書

詞令清圓而意致懇篤於人才本末輕重之際辨之甚明

詩集傳序

蘊藉深遠玩味此序可得讀詩之法亦可收學詩之益

呂氏家塾讀詩記後序

誦後一段文須識得古人讀書用心矜慎不苟如此

大學章句序

立言必綜其要能令千載之下曠若發矇

中庸章句序

此書最朱子所盡心一序溯原竟委大指已自囊括

漳州教授廳壁記

敦重教職足以警勵師儒

轉運司蠲免鹽錢記

勤宣上德辭令溫純

名堂室記

記堂室耳而必溯父師之教敘為學之本乃純乎義理
之文

衢州江山縣學記

前幅褒美後義更進一層

靜江府學記

切要不浮有資教化

江陵府曲江樓記

俯仰流連極一唱三歎之致

建寧府崇安縣學田記

兼教養立言用意特為淵厚

鄂州社稷壇記

詳引古制稱述地德從來無此典核

婺州金華縣社倉記

義倉本良法篇中將青苗相較處尤覺利病劃然

衡州石鼓書院記

砥俗式浮言重鼎呂

福州州學經史閣記

不取新奇而文氣自疎達動人

學校貢舉私議

此議本程子之意而益發其所未備洵可以得真才而收實效矣

觀心說

明快透悉總欲學者實地加功

張栻

入見孝宗奏

單挈一誠字洵治道之紀綱

呂祖謙

戒諭兩淮守令恤農詔

古蔚中有真氣淪浹

戒諭沿邊脩武備詔

加意振飭措語近古

建隆編勅序

頌揚本朝體製肅穆而詞意闕遠

代宰臣史浩等恭書御製秋日幸秘書省近體詩

下方

就一事中發出三層意思腕力渾勁韻頑兩漢

白鹿洞書院記

宗文講學允為治道所重斯篇能發揮大指典醇不佻

陸九淵

送宜黃何尉序

敎令尉之賢否狀民心之欣戚有裨激揚吏治

劉晏知取子論

劉晏終與桑孔有別持論最公末以正義裁之予奪抑揚確然不爽

陳亮

送徐子才赴富陽序

鋒穎迸軼英英四射

論傳註

註疏雖未盡聖賢精意然實有功經學下筆極有分寸

葉適

上寧宗皇帝劄子

拈和平二字作主文亦粹然以醇

財計上

具此淵通之識始可權衡會計

瑞安縣重修縣學記

高文醇理名貴可思

蔡沉

書經集傳序

提心法二字為一篇領要足該典謨訓誥之義

陳淳

宗會樓記

論古宗法之重詳瞻典雅有裨禮教

真德秀

夏震特授武信軍節度使殿前都指揮使進封加
食邑食實封

閱整可視唐諸制

皇伯師垂特授少保依前定江軍節度使致仕天
水郡開國公加食邑食實封令所司擇日備禮
冊命制

絕麗而典

賜寶謨閣直學士朝議大夫知建康府兼江淮制

置使黃度乞檢會前奏許令致仕不允詔

音節流美

賜太中大夫知樞密院事雷孝友正奉大夫叅知
政事樓鑰太中大夫同知樞密院事章良能端
明殿學士通奉大夫簽書樞密院事宇文紹節
兼太子賓客辭免皇太子講授春秋終篇各特
與轉行一官不允詔

簡而有文

賜通議大夫知樞密院事兼叅知政事雷孝友宣
奉大夫叅知政事樓鑰通議大夫同知樞密院
事章良能端明殿學士正議大夫簽書樞密院
事宇文紹節兼太子賓客辭免皇太子讀三朝
寶訓終篇竝特與轉行一官不允詔
沐浴於典誥而出之

上殿奏劄

兩意分疏條理秩秩

庚午六月十五日輪對奏劄二

辭皆警拔一言可當千古

直前奏劄

分疏六事極意發明文勢流暢充裕無與為比

直前奏劄

分別邪正情狀較然

召除禮侍上殿奏劄

以人心為格天之本而歸原於公平正大乃入告之嘉

欽定四庫全書



聖祖仁皇帝御製文第三集

卷四十三

十三

謨

大學衍義序

只敘作書大意能以平正勝人

魏了翁

賜左丞相鄭清之乞上印綬不允詔

以疏經代言彌見清新

賜吏部尚書李璣乞歸田里不允詔

敦古非浮豔可及

論給事臺諫之言

語必沉著迅快

論士大夫風俗

意在匡繩士風不為苛疾

趙鑰夫宗藩文類序

古者親賢之輔端由於養之厚而教之豫文能暢發可
為準則

瀘州重脩學記

欽定四庫全書

聖祖仁皇帝御製文第三集

卷四十三

十四

淹貫經學肆筆皆有精采

洪氏天目山房記

其廣搜遠綜可以資多聞其探本反約可以正學術文辭爾雅又其餘也

瀘州贍軍田記

由瀘州說到天下由軍田說到井田封建之制極能開拓文勢

拙齋記

物欲之知德性之知湛然圓通使人胸無滯義

眉州江鄉館記

古義錯陳小中見大

井牧說

熟於周官推見先王經世深心

黃震

平糶倉記

正當之論可以勸善風世

王柏

賦詩辨

古人賦詩多斷章取義有未可以類拘者然禮義之大防不可不立斯文庶得其指歸矣

牟子才

聚散劄子

一氣流注而中間頓挫綰結篇法井然

方逢辰

上理宗書

披瀝衷誠無不罄竭

文天祥

瑞州三賢堂記

敘三賢進退有關國家文情彌覺宛折

正氣歌序

斯篇出於至性慷慨悽惻朕每於披讀之際不覺淚下
數行其忠君憂國之誠洵足以彌宇宙而貫金石

謝枋得

交信錄

語近箋疏亦饒古趣

聖祖仁皇帝御製文第三集卷四十三

欽定四庫全書

聖祖仁皇帝御製文第三集卷四十四目錄

雜著

題劉松年畫

論韻府刻本

跋

書大學跋

跋道德仁藝扁後

欽定四庫全書



聖祖仁皇帝御製文第三集

卷四十四目錄

跋德業仁義扁後

跋都俞吁咈扁後

跋書草訣百韻後

祭文

告

祈穀壇祭文

賦

桑賦

并序

尊賦
并序

欽定四庫全書



聖祖仁皇帝御製文第三集
卷四十四目錄

[illegible]

欽定四庫全書

聖祖仁皇帝御製文第三集卷四十四

雜著

題劉松年畫

宋劉松年圖漢高祖還沛作歌會飲想象開荆之主自
有不世之功出羣之英所以有大風起兮雲飛揚威加
海內兮歸故鄉安得猛士兮守四方之句朕覽其圖筆
氣古勁似有意於毫端也因援筆記其後

論韻府刻本

大槩作詩之家無不用韻府羣玉者五車韻瑞不過察
冷故事况刻板錯字甚多信不得所以朕有寫冊大小
兩部總不用刻本

跋

書大學跋

康熙歲次癸未夏萬幾多暇凡有閒日即讀經史以為
立身行己之本大學一書尤為格致誠正脩齊治平之

根內聖外王之大道總不越此故特親書以便熟讀庶
幾守心在腔子裏之句乎

跋道德仁藝扁後

朱子四齋銘曰志道據德依仁游藝朕取其言正理順
得讀書正學之本故書此扁以示警勉之意賜翰林院
跋德業仁義扁後

朱子又四齋銘曰崇德廣業居仁由義朕取其尊德性
希聖學道中庸勝己私以此書扁望其登高自卑行遠

自邇之意賜詹事府

跋都俞吁咈扁後

言路以都俞吁咈勉之則上不虧於天下不失人臣事君之大道故書尚書都俞吁咈四字賜之

跋書草訣百韻後

禮部侍郎孫岳頒留心字學自幼立志倣董一時人物無出其右朕甚嘉焉命書草訣百韻萬幾之暇不時觀覽見筆畫清秀深得書家三昧壬午冬月偶爾對臨方

知老鍊難於髣髴也故記之

祭文

告

祈穀壇祭文

康熙四十八年

臣
仰承

眷命撫育萬方念切民生亟圖康乂兩年以來江浙地方遭罹水旱民失生業去歲山東河南亦因被旱田禾歉收又去冬至今乾暵無雪臣雖抱病心切靡寧邇自

順治二年以迄今日垂七十載承平日久生齒既繁野
無曠土縱當大獲之歲猶慮民食不充儻或偶遇旱潦
則臣雖竭慮殫思蠲租散賑而窮鄉僻壤豈能保無轉
於溝壑之人在臣憂國憂民之念即始終不渝而雨澤
應期實惟

上天仁愛愚氓是賴茲者時屆上辛春耕將舉臣理應
躬詣齋次祇脩祀事但今幸荷

天佑疾漸痊愈而肅將大禮尚未克勝身雖未能致齋

而為萬民懇切禱祈之誠敢用攄布仰籲

洪庥特命臣僚潔蠲敬戒虔備玉帛牲醴粢盛庶品恭

祀

上天伏冀

昭鑒俾雨暘時若百穀用成三農弘濟尚饗

賦

桑賦

并序

朕巡省浙西桑林被野天下絲縷之供皆在東南而

蠶桑之盛惟此一區近在宮中刻為耕織圖每示司牧使知其艱苦今更為賦以託意焉

伊彼條桑其葉始蕸春日載陽綠陰乃披紫陌上兮
嫋嫋綺岸側兮垂垂來璧旭之晨照受光風之午吹影映
帶兮青翰色彷彿兮翠旗既扶疎而相亞復低昂而參
差念蠶事之欲動正芳候之如期聿茲女紅生計是賴
采采盈筐慎加覆蓋虞日煦之少潤防雨頻之為害儻
薄蘆之不繼時憂心之旆旆虔飼食之維勤勞形神於

塵壒摘曉露之輕滋乘良月之新蒼望十畝之閒閒實
蠶家之弘賚誠黼黻之必資繫袞職之用大其重等於
苗稼為王政之不外予恒恐其難知作深宮之圖繪至
夫厥貢著於尚書沃若詠於篇什公室見說於禮經牆
下屢申於孟集試古訓之歷稽又民務之應急若乃訝
為神木騁以青華末照是晞甘堪如瓜馴雉表異黃鳥
稱嘉雖景物之堪娛咸無關於大家夫其詫幢幢之高
蓋美亭亭之奇樹靈根依倚於十洲巨跡遂闢於周宇

類齊諧之荒唐皆予今日之所不取也聊因清晏簡牘
是書用示遠邇是溉是鋤共知愛護種統其廬蠶桑農
穡安寶璠璣

蓴賦

并序

蓴生杭之西湖與蕭山之湘湖一名水葵蒂葉之間
精華可鑑而味又鮮美如士君子道勝而腴意象閒
遠朕南巡浙江愛嘗其羹舟行多暇援毫賦之

維此細物生於清流出泥不淄浸水不浮翳纖莖而內

蘊簇小穎以中抽濯寒影於冰壺含精光於玉瑯夫其
當春乃出春暖漸稠藻行詎匹菰蔣奚侔浴西湖之澄
泓漱鏡水之凝瀏人薄言兮采之恒蕩漾兮方舟至若
滑漿膩脂手掬難留登之簋簋調和是謀冒以紫薑雜
以芳脩驚流匙之鮮瑩快入口之脆采味雖標於沖淡
意可符於麟虬固堪同於抱德之士自保其潔素抑將
比於超尚之徒深潛於隱幽非尋訪之不遺幾有失於
冥搜若迺薰風五月小卉芬裊香凝淺瀨色點輕漚華

實竝茂更副予求彼洞庭之所擷恐難婉茲妙產笑李
鷹之所託又何待於思秋偶執筆以搞辭宜薦之於瓊
樓

聖祖仁皇帝御製文第三集卷四十四